

Izveštaj o radu Uprave policije MUP-a Kantona Sarajevo za februar 2018.godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu februaru 2018. godine, na području Kantona Sarajevo registrovana su 353 krivična djela što je za dva ili 0,6% manje u odnosu na isti mjesec prethodne godine.

Od ukupnog broja registrovanih krivičnih djela, 152 ili 43,1% izvršena su od strane poznatih, a 201-no ili 56,9% od strane nepoznatih izvršilaca.

Za 80 djela ili 52,6% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 30 krivičnih djela iz izvještajnog, a 50 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u mjesecu februaru 2018. godine za ukupno 232 krivičnih djela ili 65,7%, identifikovali osumnjičene izvršioce, što je za 3,9% manja rasvijetljenost u odnosu na isti mjesec prethodne godine

Zbog postojanja osnova sumnje da su počinili krivična djela prijavljena su 234 lica (42 više), od čega su 124 povratnika (devet više) u izvršenju krivičnih djela (ili 53% od ukupnog broja prijavljenih lica), jedan maloljetnik (tri manje), a 98 lica je lišeno slobode (23 više).

Pregled kriminaliteta na području Kantona Sarajevo u mjesecu februaru 2018/17. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

| KRIVIČNA DJELA PROTIV | februar 2018. | februar 2017. | uporedba | | rasvj. februar '18. | |
|--|------------------|------------------|-----------|--------------|---------------------|--------------|
| | | | +/- | % | broj kd | % |
| ŽIVOTA I TIJELA | 8 | 18 | -10 | -55,6% | 8 | 100% |
| SLOBODE I PRAVA ČOVJEKA I GRAĐANINA | 16 | 14 | 2 | 14,3% | 15 | 93,8% |
| SPOLNE SLOBODE I MORALA | 1 | 0 | 1 | --- | 1 | 100% |
| BRAKA, PORODICE I MLADEŽI | 22 | 17 | 5 | 29,4% | 22 | 100% |
| ZDRAVLJA LJUDI | 55 | 33 | 22 | 66,7% | 55 | 100% |
| IMOVINE | 227 | 231 | -4 | -1,7% | 107 | 47,1% |
| OPĆE SIGURNOSTI LJUDI I IMOVINE | 3 | 8 | -5 | -62,5% | 2 | 66,7% |
| SIGURNOSTI JAVNOG PROMETA | 7 | 8 | -1 | -12,5% | 6 | 85,7% |
| PRAVOSUDA | 4 | 1 | 3 | 300% | 5 | 125% |
| JAVNOG REDA I PRAVNOG PROMETA | 6 | 22 | -16 | -72,7% | 7 | 116,7% |
| PRIVREDE I JEDINSTVA TRŽIŠTA TE KD IZ OBLASTI CARINA (KZBiH) | 1 | 1 | 0 | ISTO | 1 | 100% |
| PODMICIVANJA I KD PROTIV SLUŽBENE I DRUGE ODGOVORNE DUŽNOSTI | 1 | 0 | 1 | --- | 1 | 100% |
| ZONDINOIM-a (Sl.novine KS br.38/07) | 2 | 2 | 0 | ISTO | 2 | 100% |
| UKUPNO | 353 | 355 | -2 | -0,6% | 232 | 65,7% |

U mjesecu februaru 2018. godine u odnosu na isti mjesec prethodne godine, zabilježeno je neznatno smanjenje broja registrovanih krivičnih djela za dva ili 0,6%. Smanjenje je zabilježeno u oblastima protiv javnog reda i pravnog prometa (za 16 djela), života i tijela (za 10), opće sigurnosti ljudi i imovine (za pet), imovine (za četiri) i sigurnosti javnog prometa (za jedno djelo), dok je povećanje evidentirano u oblastima protiv zdravlja ljudi (za 22 djela), braka, porodice i mladeži (za pet), pravosuđa (za tri), slobode i prava čovjeka i građanina (za dva), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca februara 2018. godine u ovoj oblasti evidentirano je osam krivičnih djela (deset manje u odnosu na februar 2017. godine) i to: teška tjelesna ozljeda – tri (osam manje) i lahka tjelesna ozljeda – pet djela (isti broj djela).

Sva djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv šest lica, od kojih je jedan povratnika u činjenju krivičnih djela.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 16 krivičnih djela (dva više) i to: ugrožavanje sigurnosti - 15 i protupravno lišenje slobode - jedno djelo, za čije izvršenje je prijavljeno 14 lica od kojih je deset povratnika, a tri su lišena slobode.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirana su 22 djela iz ove oblasti (pet više) i to: nasilje u porodici - 21 i zapuštanje ili zlostavljanje djeteta ili maloljetnika - jedno djelo, a zbog postojanja osnova sumnje da su počinili ova djela prijavljena su 22 lica, od čega je 15 povratnika (ili 68,2%), a 16 je lišeno slobode.

KRIVIČNA DJELA PROTIV ZDRAVLJA LJUDI

Prijavljeno je 55 krivičnih djela iz oblasti protiv zdravlja ljudi (22 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – tri,
- posjedovanje i omogućavanje uživanja opojnih droga (čl. 239. KZ FBiH) – 52 djela.

Zbog postojanja osnova sumnje da su počinili navedena djela podneseni su službeni izvještaji protiv 54 lica, a 29 je lišeno slobode.

Pregled oduzete količine opojnih droga u mjesecu februaru 2018/17. godine

| VRSTA OPOJNE DROGE | FEBRUAR 2018. GODINE | FEBRUAR 2017. GODINE |
|--------------------------|----------------------|----------------------|
| Marihuana (paketići) | 12 | 12 |
| Marihuana (u gramima) | 35 | 5073,33 |
| Marihuana (Joint) | 5 | 2 |
| Heroin (paketići) | --- | 6 |
| Amfetamin (u gramima) | 190 | 100 |
| Amfetamin (paketići) | 13 | 6 |
| Ecstasy (tablete) | 5 | 24 |
| Cannabis (sjemenke) | --- | 1 paketić |
| Pribor sa ostacima droge | 2 | 1 |

KRIVIČNA DJELA PROTIV IMOVINE

U izvještajnom mjesecu, registrovano je 227 krivičnih djela protiv imovine, što je za četiri djela ili 1,7% manje u odnosu na uporedni mjesec. Među djelima iz ove oblasti najbrojnije su: teške krađe – 126 djela (jedno manje), zatim krađe – 42 (sedam više), razbojništvo – 31 (sedam manje), oštećenje tuđe stvari – osam (jedno manje), teška krađa u pokušaju – šest (tri više), prikrivanje - tri (jedno manje), itd.

Za ukupno 107 ovih djela ili 47,1% identifikovan je osumnjičeni izvršilac što je za 9,2% manja rasvijetljenost imovinskih delikata u odnosu na uporedni mjesec.

Kada su u pitanju teške krađe, prema objektu izvršenja najbrojniji su bili stambeni objekti - 56 puta (isti broj kao u februaru prethodne godine), zatim motorna vozila (otuđenja pmv i “provale” u ista) - 39 slučaja (11 manje), poslovni prostori - 10 (pet manje), itd.

Na području Kantona Sarajevo u mjesecu februaru ove godine izvršeno je 29 krivičnih djela teških krađa motornih vozila od čega je pet ili 17,2% pronađeno i vraćeno vlasnicima (Uprava policije MUP-a KS vratila je jedno vozilo, MUP RS-a – jedno, drugi MUP-ovi - dva i vlasnici su pronašli – jedno vozilo).

Broj teških krađa motornih vozila, smanjen i to za dva ili 6,5%.

Prijavljena su 42 krivična djela krađe (sedam više), koje su izvršene 13 puta u vozilima i na stajalištima GRAS-a, 12 puta u poslovnim prostorijama, šest u stambenim objektima, sedam puta na ulici, itd. odakle su otuđivani novčanici, tehnička roba, garederoba, alati, prehrambeni proizvodi, itd.

U mjesecu februaru 2018. godine, registrovano je 31-no krivično djelo razbojništva (sedam manje), od čega su za 22 djela ili 71% identifikovani osumnjičeni izvršioc i što je za 13,1% veća rasvijetljenost ovih djela u odnosu na uporedni mjesec.

Krivična djela razbojništva izvršena su prijetnjom upotrebe vatrenog oružja - 11 puta, prijetnjom upotrebe noža ili drugog oštrog predmeta – 14 i upotrebom fizičke snage – šest puta, a počinjena su u prodavnicama – 14 puta, u sportskim kladionicama i na ulici - po sedam, u apotekama - dva i na benzinskoj pumpi - jedno djelo. Otuđivan je novac, nakit, mobiteli, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 11 lica, od kojih je osam povratnika u činjenju krivičnih djela (ili 72,7%), a šest je lišeno slobode.

Evidentirano je deset krivičnih djela teških krađa na naročito opasan ili naročito drzak način (četiri više) u kojima su izvršioc i, upotrebom fizičke snage – sedam puta, te verbalnom prijetnjom u tri slučaja, otimali mobitele, tašne i novac. Ova djela izvršena su na ulici pet puta, u sportskim kladionicama i prodavnicama - po dva i jednom u tramvaju.

Ukupno su rasvijetljena tri ova djela, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv tri lica, povratnika u činjenju krivičnih djela.

1.2.6. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su tri djela (pet manje) i to: - izazivanje opće opasnosti - dva i teška krivična djela protiv opće sigurnosti ljudi i imovine - jedno djelo, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv pet lica, povratnika u činjenju krivičnih djela, koja su lišena slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je šest krivičnih djela (16 manje) i to: nasilničko ponašanje – tri, krivotvorenje isprave - dva i nedozvoljeno držanje oružja ili eksplozivnih materija – jedno djelo.

Zbog postojanja osnova sumnje da su počinili navedena krivična djela, nadležnom tužilaštvu podneseni su službeni izvještaji protiv devet lica, od kojih je sedam povratnika (77,8%), a šest je lišeno slobode.

KRIVIČNA DJELA POČINJENA OD STRANE MALOLJETNIH LICA

U toku mjeseca februara 2018. godine, policijski službenici su nadležnom tužilaštvu podnijeli službeni izvještaj protiv jednog maloljetnog lica zbog postojanja osnova sumnje da je uz prijetnju noža izvršio krivično djelo razbojništvo, na području općine Ilidža. U odnosu na isti mjesec 2017. godine, broj maloljetnih učinilaca krivičnih djela smanjen je za tri (ili 75%), dok je broj krivičnih djela za koja su prijavljeni maloljetnici smanjen za 1 (ili 50%).

Prijavljeni maloljetni učinilac je u dobi između 16 i 18 godina.

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca februara 2018. godine nije bilo evidentiranih slučajeva aktiviranja minsko-eksplozivnih sredstava, kao i u istom mjesecu 2017. godine.

Evidentirane su dvije anonimne dojave o postavljenoj eksplozivnoj napravi (u istom mjesecu 2017. godine nije bilo), a odnosile su se na srednju školu i ambasadu Kraljevine Holandije, za koje je nakon KDZ pregleda utvrđeno da su bile lažne. Za sada je identifikovan jedan učinilac protiv kojeg su preduzete zakonske mjere.

POŽARI

Tokom mjeseca februara 2018. godine, na području Kantona Sarajevo registrovano je šest požara (osam manje), u kojima su dva lica lakše povrijeđena.

Prema statističkim pokazateljima, tri požara su izazvana namjerno, zbog nehata, tehničkih nedostataka i ostalih uzroka – po jedan požar.

Zbog izazivanja požara nadležnom tužilaštvu su podnesena tri službena izvještaja iz člana 301 KZ FBiH (paljevina).

SAMOUBISTVA

U mjesecu februaru 2018. godine na području Kantona Sarajevo registrovana su tri samoubistva (isto) izvršena na sljedeće načine: vatrenim oružjem – dva puta i skakanjem sa visine- jednom.

Izvršioi su muškarci starosti: 63, 68 i 75 godina.

JAVNI RED I MIR

U toku mjeseca februara 2018. godine, na području Kantona Sarajevo evidentirano je **247 prekršaja** u oblasti javnog reda i mira (61 ili 19,8% manje nego u istom mjesecu 2017. godine). Zbog učinjenih prekršaja protiv **267 lica** su preduzete prekršajne sankcije. U odnosu na isti mjesec prethodne godine, broj učinilaca prekršaja je manji za 54 ili 16,8%. Od ukupnog broja registrovanih prekršaja, 211 ili 85,4% se odnosi na prekršaje iz Zakona o prekršajima protiv javnog reda i mira, a 36 ili 14,6% prema Odluci općinskih vijeća.

Prema starosnoj strukturi lica prema kojima su preduzete prekršajne sankcije, najbrojniji su oni preko 36 godina (157), zatim između 26 i 35 godina (65) i između 19 i 25 godina (45). Među učiniocima evidentiran je 21 povratnik u činjenju prekršaja.

Prilikom narušavanja javnog reda i mira, u slučajevima koji su sankcionisani Zakonom o prekršajima protiv javnog reda i mira, nije bilo teže povrijeđenih lica (kao ni u uporednom mjesecu), dok je lakše povrijeđeno 15 lica (1 ili 6,2% manje).

Najveći broj prekršajnih sankcija koje su preduzele policijske stanice Stari Grad i Centar odnosi se na prekršaje učinjene prosjačenjem, koje je najizraženije upravo na području ove dvije općine. Naime, zbog ovog prekršaja, Prva policijska uprava preduzela je 28, a Druga policijska uprava 42 prekršajne sankcije.

Tabelarni pregled strukture prekršaja iz oblasti javnog reda i mira
za mjesec februar 2018/2017.godina

| PREKRŠAJI IZ ZAKONA O JRIM: | februar 2018. | februar 2017. | + - % |
|---|------------------|------------------|---------------|
| <i>-Tuče</i> | 39 | 32 | 7 ili 21,8% |
| <i>-Naročito drsko ponašanje</i> | 39 | 27 | 12 ili 44,4% |
| <i>-Odbijanje naređenja i omalovaž. pol. služb.</i> | 20 | 21 | -1 ili 4,8% |
| <i>-Prosjačenje</i> | 75 | 145 | -70 ili 48,3% |
| <i>-Svađa, vika, nepristojno ponašanje</i> | 3 | 16 | -13 ili 81,2% |
| <i>-Paljenje petardi</i> | 0 | 0 | --- |
| <i>-Uživanje opojne droge na javnom mjestu</i> | 0 | 0 | --- |
| <i>-Ostali prekršaji iz Zakona o JRiM</i> | 35 | 32 | 3 ili 9,4% |
| Prekršaji prema Odluci općinskog vijeća o JRiM | 36 | 35 | 1 ili 2,8% |
| ukupno | 247 | 308 | -61 ili 19,8% |

U strukturi prekršaja **najbrojniji** su prekršaji učinjeni **prosjačenjem (75 ili 30,4%)**, zatim tučama i naročito drskim ponašanjem (po 39 ili 15,8%), te odbijanjem naređenja i omalovažavanjem policijskih službenika (20 ili 8,1%). Prekršajne sankcije su preduzete i zbog prekršaja učinjenih svađom, vikom i nepristojnim ponašanjem (3), dok se 35 sankcija odnosi na ostale prekršaje. Zbog prekršaja koji su utvrđeni Odlukom općinskih vijeća o javnom redu i miru preduzete su 36 prekršajne sankcije.

U odnosu na isti mjesec 2017. godine, u proteklom mjesecu smanjen je broj prekršajnih sankcija zbog prekršaja učinjenih odbijanjem naređenja i omalovažavanjem policijskih službenika, prosjačenjem i svađom, vikom i nepristojnim ponašanjem. U proteklom mjesecu došlo je do povećanja broja prekršaja učinjenih tučama, naročito drskim ponašanjem, kao i broj prekršaja koji su regulisani Odlukom općinskih vijeća o javnom redu i miru.

Najveći broj prekršajnih sankcija preduzet je zbog prekršaja izvršenih na ulici i na drugim otvorenim prostorima (209 ili 84,6%), a znatno manje zbog prekršaja učinjenih u ugostiteljskim objektima (19 ili 7,7%), trgovinskim i zanatskim radnjama (1), te na ostalim mjestima (18).

Tabelarni pregled broja prekršajnih sankcija u februaru 2018./2017. godine, prema mjestu izvršenja

| MJESTO IZVRŠENJA | FEBRUAR 2018. | FEBRUAR 2017. | + - % |
|---------------------------------|---------------|---------------|---------------|
| Ugostiteljski objekti | 19 | 27 | -8 ili 29,6% |
| Ulice i drugi otvoreni prostori | 209 | 261 | -52 ili 19,9% |
| Sportski stadioni | 0 | 0 | --- |
| Škole i školska dvorišta | 0 | 1 | -1 |
| Trgovine i zanatske radnje | 1 | 3 | -2 ili 66,7% |
| Vozila javnog saobraćaja | 0 | 0 | --- |
| Ostala mjesta | 18 | 16 | 2 ili 12,5% |
| UKUPNO | 247 | 308 | -61 ili 19,8% |

U odnosu na isti mjesec 2017. godine, u proteklom mjesecu smanjen je broj prekršaja izvršenih u ugostiteljskim objektima, na ulici i drugim otvorenim prostorima, sportskim stadionima, školama i školskim dvorištima i trgovinskim radnjama, dok je na ostalim mjestima došlo do povećanja tog broja.

Na području Kantona Sarajevo u mjesecu februaru 2018. godine održano je 178 javnih skupova (34 ili 23,6% više u odnosu na februar 2017. godine). Policijski službenici su proveli planske aktivnosti javnih skupova, koji su protekli bezbjedno, a u 40 slučajeva izvršeno je KDZ osiguranje.

SAOBRAĆAJ

Tokom mjeseca februara 2018. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa nastradalim licima i broja nastradalih lica, dok je smanjen broj nezgoda sa materijalnom štetom.

Registrovano je 705 saobraćajnih nezgoda (tri ili 0,4 više), 644 sa materijalnom štetom (20 ili 3 % manje) i 61 sa nastradalim licima (23 ili 60,5 % više).

U naselju je registrovano 625 saobraćajnih nezgoda (jedna sa poginulim, 55 sa povrijeđenim licima i 569 sa materijalnom štetom), van naselja 80 nezgoda (pet sa povrijeđenim licima i 75 sa materijalnom štetom).

Evidentirano je 119 saobraćajnih nezgoda na raskrsnicama u naselju, 26 na raskrsnicama van naselja, 10 na pješačkom prelazu, jedna na mostu i 549 saobraćajnih nezgoda čije se karakteristike ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo za mjesec februar 2018./2017. godina

| | feb. 2018. | feb. 2017. | + , - % |
|--|------------|------------|-----------------|
| UKUPNO SAOBRAĆAJNIH NEZGODA | 705 | 702 | + 3 ili 0,4 % |
| Saobraćajne nezgode sa nastradalim licima | 61 | 38 | + 23 ili 60,5 % |
| Saobraćajne nezgode sa materijalnom štetom | 644 | 664 | - 20 ili 3 % |
| POGINULO LICA | 1 | 0 | + 1 |
| - vozači | 0 | 0 | ----- |
| -putnici | 0 | 0 | ----- |
| - pješaci | 1 | 0 | + 1 |
| POVRIJEĐENO LICA | 79 | 53 | + 26 ili 49 % |
| - vozači | 36 | 18 | + 18 ili 100 % |
| - putnici | 23 | 17 | + 6 ili 35,3 % |
| - pješaci | 20 | 18 | + 2 ili 11,1 % |

POSljedICE SAOBRAĆAJNIH NEZGODA

Tokom mjeseca februara 2018. godine, u saobraćajnim nezgodama na području Kantona Sarajevo 80 lica je nastradalo (27 ili 50,9 % više). Jedno lice je poginulo¹ (u istom mjesecu prošle godine nije bilo poginulih lica), dok je 79 lica povrijeđeno (26 ili 49 % više), 14 teže i 65 lakše.

Među povrijeđenim licima evidentirano je:

- 36 vozača (18 više)
- 23 putnika (šest više)
- 20 pješaka (dva više)

Tabelarni pregled nastradalih lica u saobraćajnim nezgodama po kategoriji učesnika za mjesec februar 2018./2017. godina

| | POGINULI | | | TEŠKO POVRIJEĐENI | | | LAKŠE POVRIJEĐENI | | |
|---------|------------|------------|-------|-------------------|------------|----------------|-------------------|------------|------------------|
| | feb. 2018. | feb. 2017. | +,-,% | feb. 2018. | feb. 2017. | +,-,% | feb. 2018. | feb. 2017. | +,-,% |
| VOZAČI | 0 | 0 | ----- | 2 | 2 | isto | 34 | 16 | + 18 ili 112,5 % |
| PUTNICI | 0 | 0 | ---- | 6 | 4 | + 2 ili 50 % | 17 | 13 | + 4 ili 30,8 % |
| PJEŠACI | 1 | 0 | + 1 | 6 | 5 | + 1 ili 20 % | 14 | 13 | + 1 ili 7,7 % |
| UKUPNO | 1 | 0 | + 1 | 14 | 11 | + 3 ili 27,3 % | 65 | 42 | + 23 ili 54,8 % |

Kada je u pitanju stepen povreda, dva vozača su teže a 34 lakše povrijeđena, šest putnika je teže a 17 lakše povrijeđeno, dok je šest pješaka teže a 14 lakše povrijeđeno.

Starosna struktura lica povrijeđenih u saobraćajnim nezgodama je sljedeća: od 31 do 40 godina – 16 lica, od 41 do 50 godina – 12 lica, od 51 do 65 godina – 12 lica, od 25 do 30 godina – 10 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 533 nezgode u kojima je 48 lica povrijeđeno, zatim na magistralnim putevima – 57 nezgoda u kojima je 13 lica nastradalo (jedno lice poginulo, 12 lica povrijeđeno), na regionalnim putevima – 44 nezgode (četiri lica povrijeđena), na lokalnim putevima – 37 nezgoda (dva lica povrijeđena) i na putevima koji se ubrajaju u kategoriju ostalih – 34 saobraćajne nezgode (13 lica povrijeđeno).

UZROCI SAOBRAĆAJNIH NEZGODA

Od ukupno 705 uzroka saobraćajnih nezgoda, 119 je zbog neprilagođene brzine (29 lica povrijeđeno), tri zbog uticaja alkohola (četiri lica povrijeđena), jedna zbog oštećenja puta (nez nastradalih lica), dok uzroci za 582 saobraćajne nezgode spadaju u kategoriju ostalih (jedno lice poginulo, 46 lica povrijeđeno).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca februara 2018. godine, kontrolisano je ukupno 17.012 vozila (3.635 manje), 3.695 lica u vozilima (878 manje), izvršen je pregled 200 vozila (64 manje) i 196 lica u vozilima (19 manje).

Zbog tehničke neispravnosti iz saobraćaja je isključeno 18 vozila (21 manje), 205 vozača je zatečeno da upravljaju vozilom pod dejstvom alkohola (isto), 208 bez korištenja sigurnosnog pojasa (542 manje), 64 bez položenog vozačkog ispita (dva manje), 56 pod izrečenom zaštitnom mjerom (54 više), 239 zbog korištenja mobitela tokom vožnje (51 manje), dok je 201 vozilo učestvovalo u saobraćaju bez važeće registracije (109 više).

Zbog kršenja propisa iz oblasti sigurnosti saobraćaja uručeno je 11.875 prekršajnih naloga vozačima (3.293 manje u odnosu na februar prošle godine) i podneseno 46 zahtjeva za pokretanje prekršajnog postupka (jedan više). Evidentirano je sedam krivičnih djela zbog ugrožavanja sigurnosti javnog prometa (jedno manje).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca februara 2018. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 5.419 prekršajnih naloga (1.578 manje), upozoreno je 445 vozača (23 manje), a specijalnim vozilom "pauk" premješteno je 335 vozila (168 više).

Takođe, pješacima koji su kršili propise uručeno je 150 prekršajnih naloga (221 manje), a upozorena su 72 pješaka (77 manje).

ZAKONITOST U RADU

Tokom mjeseca februara 2018. godine, nisu registrovani napadi na policijske službenike (u istom mjesecu prošle godine bilo je šest napada), kao ni upotreba sile (u izvještajnom mjesecu osam).

Tokom mjeseca februara 2018. godine, razmatrana je 21 predstavka na rad službenika policije, među kojima je za sedam predstavki (isti broj) data saglasnost da se sprovede unutrašnja istraga. Za sedam predstavki je donesena odluka da se izvrše provjere i prikupi dokumentacija, za pet da nema osnova za provođenje unutrašnjih istraga, za jednu da se pripoji ranijem spisu, dok je za jednu predstavku donesena odluka o nenadležnosti.

Postupano je po 34 predstavke iz ranijeg perioda.

Okončane su četiri unutrašnje istrage, među kojima su tri bile bez dovoljno dokaza, dok je u jednom slučaju istraga okončana ocjenom oslobađajuća.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U mjesecu februaru ove godine evidentirana su dva djela regulisanih ZONDINOiM-om (isti broj djela) počinjena od strane dva lica, povratnika u činjenju krivičnih djela.

U sklopu aktivnosti na oduzimanju nelegalno posjedovanog oružja i drugih predmeta oduzeto je: devet pištolja, osam puški, 11 „noževa, mačeva, sablji i sl.“, 292 komada municije raznog kalibra, itd.

Fizičkim licima izdato je 107 odobrenja za nabavku vatrenog oružja (31 više) i 86 oružnih listova (23 manje).

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

Između ostalog, preduzimane su sljedeće aktivnosti:

- Policijski službenici Uprave policije svih sedam PU su izvršili obilazak osnovnih škola na svojim staničnim područjima i tom prilikom sa direktorima i pedagozima škola dogovorili edukativne radionice na teme: „Djeca u saobraćaju“, „Međuvršnjačko nasilje“, „Narkomanija“ i druge teme.
- Policajci u zajednici su prisustvovali edukaciji na temu „Djeca i maloljetnici u kontaktu sa zakonom“ na kojoj su predstavljene alternativne mjere i sankcije za maloljetnike u krivičnom zakonodavstvu FBiH.
- Nastavljene su aktivnosti na realizaciji projekta ICITAP-a „Uklanjanje grafita“.
- U vezi realizacije projekta „Jačanja tužilačkih kapaciteta u sistemu krivičnog pravosuđa BiH“ pod nazivom „Lopov uvijek bude otkriven“, održane su aktivnosti u osam osnovnih škola na području općine Ilijaš i pet osnovnih škola na području općine Vogošća.
- Policajci u zajednici PS Hadžići su zajedno sa veterinarskom inspekcijom radili na prevenciji i zaštiti djece kao i svih građana od napada pasa lotalica.
- Policijski službenici PS Stari Grad su intenzivno saradivali sa Turističkom zajednicom općine Stari Grad, u vezi lične bezbjednosti turista kao i ostalih građana na području općine Stari Grad sa akcentom na užu jezgru Bašćaršije.

Sarajevo, 15.03.2018.godine